

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 401748 21 St
Tuzla, 13.09.2021.godine

OPĆINSKI SUD U TUZLI, sudija Antonela Đaković, u postupku predhodnog ispitivanja prijedloga za otvaranje stečajnog postupka nad dužnikom **„E & AH TRADE“ d.o.o. za proizvodnju, trgovinu i usluge Gradačac, Gornje Ledenice bb**, dana 13.09.2021.godine donio je sljedeće:

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom društva **„E & AH TRADE“ d.o.o. za proizvodnju, trgovinu i usluge Gradačac, Gornje Ledenice bb, MBS: 32-01-0227-13.**

Za privremenog stečajnog upravnika imenuje se Almir Bajrić iz Tuzle.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 16. Zakona o stečajnom postupku, a naročito:

- obezbijediti imovinu dužnika i starati se o istoj,
- ima ovlašćenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gradačcu i Gradskoj službi za geodetske i imovinsko-pravne poslove Grada Gradačac, radi upisa zabilježbe otvaranja prethodnog postupka.

O b r a z l o ž e n j e

Predlagač E & AH TRADE" d.o.o. za proizvodnju, trgovinu i usluge Gradačac, podnio je dana 27.05.2021.godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 4. stav 1. Zakona o stečajnom postupku i da je isti dopušten dana 09.07.2021. godine, rješenjem je naložio predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka. Predlagač je dana 27.07.2021.godine dostavio sudu dokaz o uplati predujmljenih sredstava za finansiranje prethodnog postupka u iznosu od 2.000,00 KM.

Na osnovu priložene dokumentacije i to: Potvrda BBI banke broj: 034-11-14-25/21, od 24.05.2021.godine o blokadi računa, Prijedlog za otvaranje stečajnog postupka od 26.05.2021.godine, Aktuelni izvod iz sudskog registra od 29.03.2021.godine, Bilans stanja i uspjeha, predlagač je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 09. 07.2021. godine, zakonski zastupnik društva Enes Huskić izjavio je da u cijelosti ostaje kod prijedloga za otvaranje stečajnog postupka nad imovinom društva, a kao razlog ističe platežnu nesposobnost društva koje nije u stanju izvršavati svoje dospjele i potraživane obaveze plaćanja u dužem vremenskom periodu, obzirom da je račun društva blokiran. Društvo nema zaposlenih radnika, osim direktora društva koji još uvijek nije objavljen. Što se tiče obaveza društvo nema neizmirenih obaveza za javne prihode prema Poreznoj upravi FBiH i Upravi za indirektno oporezivanje, ali ima neizmirenih obaveza po osnovu kredita kod Raiffeisen banke, MF Banke i BBI banke. Društvo ima nekretninu koja je opterećena založnim prvom u korist BBI banke i na kojoj se nalazi hladnjača, a nema aktivnih sudskih sporova ali ima potraživanja prema povjeriocima, kao i dugovanja prema određenim dobavljačima shodno knjigovodstvenom stanju.

Na osnovu podnesene dokumentacije i izjave zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH", br.53/2021.).

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA

Antonela Đaković

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.